

UDIN**Comunicazion científiche in lenghe**

Sienciâts di dute Europe si cjataran vinars ai 16 di Dicembar a Udin in ocasion de conference internazionâl «Lenghis minoritariis e comunicazion científiche», inmaneade de Societât científiche e tecnologjiche furlane par celebrâ il decenâl de sô fondazion. La conference, che si tignarà des 9 di matine aes 6 e mieze te sale cunvignis «R. Gusmani» di palaç Antonini, in vie Petracco 4, li de Universitât dal Friûl, e viodarà la partecipazion di rappresentants des plui impuartantis lenghis minoritariis europeanis, che si confrontaran su lis rispetivis esperiencis sul ûs de lenghe tal insegnament, te ricercje e te pratiche professionâl in ambit tecnic-scientific. Plui informazions sul sît www.sciencis-parfurlan.net